

**ORDENANZA FISCAL Nº 31 REGULADORA DA  
TAXA POR SERVIZOS ESPECIAIS OU  
TRANSPORTES**

\*\*\*\*\*

**FUNDAMENTO E NATUREZA**

**Artigo 1:**

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases do Réxime Local, e de conformidade co disposto nos artigos do 15 ó 19 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, este Concello establece a TAXA POR SERVIZOS ESPECIAIS OU TRANSPORTES, que se rexerá pola presente Ordenanza Fiscal, atendendo as súas normas ó previsto no artigo 57 da citada Lei 2/2004.

**FEITO IMPOÑIBLE**

**Artigo 2:**

1.- Constitúe o feito imponible da Taxa a prestación dos seguintes servizos especiais, de competencia municipal, a instancia de parte:

a) Vixilancia, protección, ordenación e regulación do tráfico, estacionamento de vehículos e calquera outros que sexan motivados pola celebración de espectáculos e espaxamento público que, pola súa natureza, pola aglomeración de público que os mesmos provoquen ou polas necesidades de ordena-lo acceso e saída do público e vehículos así o esixan.

b) Condución, vixilancia e acompañamento de transportes pesados, grandes transportes e caravanas a través do casco urbano.

c) Calquera outros servizos especiais que sexan motivados por outras actividades que esixan a súa prestación.

2.- A estes efectos entenderanse prestados a instancia de parte os referidos servizos cando estes foran provocados polo particular ou redunden no seu beneficio aínda que non mediara ningunha solicitude.

**SUXEITO PASIVO**

**Artigo 3:**

Son suxeitos pasivos contribuíntes as persoas físicas ou xurídicas, e as Entidades ás que se refire o Artigo 35.4 da Lei Xeral Tributaria, que sexan:

a) Titulares, empresarios ou organizadores, no seu caso, do espaxamento que motiven ou obriguen a este Concello a prestar os servizos especiais sinalados no artigo anterior.

b) Titulares da empresa dos servizos de transporte e, de non estar os vehículos afectos a unha actividade empresarial, os propietarios dos mesmos.

c) Peticionarios dos demais servizos especiais e provocadores ou beneficiarios dos mesmos, aínda que non os soliciten.

**RESPONSABLES**

**Artigo 4:**

1.- Responderán solidariamente das obrigacións do suxeito pasivo as persoas físicas e xurídicas ás que se refiren os artigos 41 e 42 da Lei Xeral Tributaria.

2.- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei Xeral Tributaria.

**COTA TRIBUTARIA**

**Artigo 5:**

1.-

	€
Cota fixa	50,00

2.- Na prestación dos servizos sinalados no artigo 2.1:

**Hora ou fracción**

	€
Por cada persoa afecta ó servizo	9,40
Por cada vehículo afecto ó servizo	18,15

3.- A aplicación da presente Taxa enténdese sen prexuízo das taxas que correspondan por ocupación do dominio público municipal ou por corte de tráfico.

### **EXENCIÓNS**

#### **Artigo 6:**

Están exentos do pago da taxa os servizos prestados ou transportes realizados polo Estado, a Comunidade Autónoma e a Provincia.

### **DEVENGO**

#### **Artigo 7:**

1.- Devéngase a taxa e nace a obrigaón de contribuír, cando se inicie a prestación de servizos, entendendo a estes efectos que esta iniciación prodúcese de conformidade co establecido no artigo 2.2.

2.- Non obstante o anterior, poderase esixi-lo importe da taxa no momento da presentación da solicitude polo interesado e de conformidade co informe do Servizo correspondente.

### **NORMAS DE XESTIÓN**

#### **Artigo 8:**

1.- Quen se propoña celebrar espectáculos públicos ou os que motiven a prestación de servizos regulados nesta Ordenanza, presentarán no Concello a correspondente solicitude de autorización, de conformidade co establecido no Artigo 76 da Ordenanza Municipal de Circulación.

2.- Cada servizo prestado será obxecto de liquidación de conformidade co informe do Servizo correspondente.

3.- Con independencia da liquidación, e se as circunstancias así o aconsellaran, o Departamento municipal competente para conceder a autorización poderá esixi-la constitución de fianza previa, para responder dos deterioros que, como consecuencia das actividades desenvolvidas, poderán producirse nos bens ou instalacións municipais. A contía da fianza será estimada polo Servizo Técnico Municipal que corresponda e devolta ó interesado unha vez comprobada a inexistencia de danos.

### **INFRACCIÓNS E SANCIÓN TRIBUTARIAS**

#### **Artigo 9:**

En todo o relativo á clasificación das infraccións tributarias, así como das sancións que correspondan en cada caso, estarase ó que se dispón na Lei Xeral Tributaria.

### **DISPOSICIÓN DERROGATORIA**

Á entrada en vigor da presente Ordenanza queda derogada a Ordenanza Fiscal reguladora da Taxa polo Servizo de Organización de Espectáculos e Festivais.

### **DISPOSICIÓN FINAL**

A presente Ordenanza Fiscal, aprobada a súa redacción definitiva polo Pleno da Corporación en sesión celebrada o día 6 de novembro de 2008, entrará en vigor o día 1 de xaneiro de 2009, permanecendo en vigor ata a súa modificación ou derogación expresas.

#### **Fecha modificacións anteriores:**

Publicado BOP (novo texto): 22/12/1999  
PUBLICADO BOP (modificación tarifas): 30/12/2002  
PUBLICADO BOP (modificación tarifas): 29/12/2003  
PUBLICADO BOP (modificación tarifas): 28/12/2004  
PUBLICADO BOP (modificación tarifas): 27/12/2007

#### **Fecha modificación actual:**

PUBLICADO BOP: 26/12/2008